

UNIVERZITET U SARAJEVU

FAKULTET SPORTA I TJELESNOG ODGOJA

**POSLOVNIKA O RADU VIJEĆA TREĆEG CIKLUSA
STUDIJA FAKULTETA SPORTA I TJELESNOG ODGOJA
UNIVERZITETA U SARAJEVU**

Sarajevo, 2015. godine

Na osnovu člana 124. Zakona o visokom obrazovanju („Službene novine Kantona Sarajevo“, broj:42/13-Prečišćeni tekst), člana 92. Statuta Univerziteta u Sarajevu, člana 8. Pravila studiranja za treći ciklus studija na Univerzitetu u Sarajevu, na prijedlog Vijeća trećeg ciklusa studija, Naučno-nastavno vijeće Fakulteta sporta i tjelesnog odgoja Univerziteta u Sarajevu na sjednici od 10.3.2015. godine, donijelo je:

POSLOVNIK O RADU VIJEĆA TREĆEG CIKLUSA STUDIJA FAKULTETA SPORTA I TJELESNOG ODGOJA UNIVERZITETA U SARAJEVU

OSNOVNE ODREDBE

Član 1.

Ovim poslovníkom utvrđuje se način rada Vijeća trećeg ciklusa studija Fakulteta sporta i tjelesnog odgoja Univerziteta u Sarajevu, a naročito:

- Sastav vijeća,
- Nadležnost Vijeća trećeg ciklusa studija,
- Način sazivanja sjednica,
- Utvrđivanje dnevnog reda,
- Predsjedavanje
- Tok sjednice
- Odlučivanje i
- Vođenje zapisnika (u daljem tekstu Vijeće trećeg ciklusa studija).

Član 2.

Vijeće trećeg ciklusa studija Fakulteta sporta i tjelesnog odgoja je stručno tijelo čiji su sastav i nadležnost određeni Pravilima studiranja za treći ciklus studija Univerziteta u Sarajevu. Poslove iz svoje nadležnosti Vijeće trećeg ciklusa studija, obavlja na sjednicama u organima koje formira.

Član 3.

Vijeće trećeg ciklusa studija sačinjavaju svi predmetni nastavnici trećeg ciklusa studija, nositelji nastavnog i istraživačkog procesa na trećem ciklusu studija, uključujući prodekana za nauku.

Predmetne nastavnike na trećem ciklusu studija, određuje Naučno-nastavno vijeće Fakulteta prije početka akademske godine, a na prijedlog Vijeća trećeg ciklusa studija.

Ostali članovi akademskog osoblja Fakulteta mogu prisustvovati sjednicama i učestvovati u radu Vijeća trećeg ciklusa studija bez prava odlučivanja.

Član 4.

Nadležnost Vijeća doktorskog studija:

1. Vijeće trećeg ciklusa studija je stručno tijelo Fakulteta.
2. Vijeće trećeg ciklusa, upravlja trećim ciklusom studija
3. Nadležnosti Vijeća trećeg ciklusa studija su:
 - a) utvrđivanje prijedloga odluka za Naučno-nastavno vijeće o svim akademskim, nastavnim, naučnim i stručnim pitanjima iz oblasti trećeg ciklusa studija,
 - b) predlaganje Naučno-nastavnom vijeću nastavnih planova i programa trećeg ciklusa studija,
 - c) predlaganje Naučno-nastavnom vijeću preispitivanja nastavnih planova i nastavnih programa trećeg ciklusa studija i to najmanje jednom po isteku ciklusa studija,
 - d) predlaganje Naučno-nastavnom vijeću općih akata iz djelokruga rada trećeg ciklusa studija,

- e) utvrđivanje prijedloga za Naučno-nastavnom vijeću o broju studenata za upis u prvu godinu trećeg ciklusa studija,
- f) predlaganje Naučno-nastavnom vijeću raspisivanje Konkursa za upis kandidata u prvu godinu trećeg ciklusa studija,
- g) utvrđivanje prijedloga plana realizacije nastave trećeg ciklusa studija prije početka studijske godine za Naučno-nastavno vijeće,
- h) analiziranje prolaznosti studenata trećeg ciklusa studija po ispitnim rokovima u semestru i na kraju studijske godine te predlaganje mjera Naučno-nastavnom vijeću za poboljšanje prolaznosti studenata,
- i) analiziranje i ocjenjivanje rezultata uspješnosti izvođenja nastave u okviru nastavnih programa trećeg ciklusa studija i izvještaj prosljeđuje Naučno-nastavnom vijeću,
- j) utvrđivanje prijedloga mjera za unapređenje nastave trećeg ciklusa studija za Naučno-nastavno vijeće,
- k) predlaganje Naučno-nastavnom vijeću angažmana referentnih predavača sa drugih domaćih i stranih visokoškolskih ustanova,
- l) predlaganje Naučno-nastavnom vijeću formiranje komisije za provođenje postupka rangiranja za upis studenata u prvu godinu trećeg ciklusa studija,
- lj) utvrđivanje prijedloga preliminarne i konačne rang liste primljenih i prijavljenih kandidata za upis u prvu godinu trećeg ciklusa studija za Naučno-nastavno vijeće,
- m) utvrđivanje prijedloga za obrazovanje komisija u postupku prijave i odbrane doktorske disertacije za Naučno-nastavno vijeće,
- n) obavljanje i drugih poslova u skladu sa Statutom i Pravilima studiranja za treći ciklus studija Univerziteta u Sarajevu.

SAZIVANJE SJEDNICE

Član 5.

Sjednicu Vijeća trećeg ciklusa studija, saziva i njome rukovodi predsjednik Vijeća trećeg ciklusa studija.

Predsjednika Vijeća trećeg ciklusa studija, imenuje dekan Fakulteta na prijedlog NNV iz reda nastavnika u zvanju redovnog profesora.

Lice koji rukovodi sjednicom Vijeća trećeg ciklusa studija odgovorno je za primjenu odredaba Poslovnika.

Redovne sjednice Vijeća trećeg ciklusa studija se održavaju u skladu sa akademskim kalendarom, a najmanje jednom u mjesec dana.

Član 6.

Sjednice Vijeća trećeg ciklusa studija sazivaju se upućivanjem pisanog poziva članovima, u papirnoj ili elektronskoj formi. Poziv se upućuje u principu sedam (7) dana, a najkasnije dva (2) dana prije datuma određenog za održavanje sjednice.

Putem referenta za postdiplomski studij i treći ciklus studija. poziv i materijal za sjednicu se dostavlja članovima Vijeća trećeg ciklusa studija i drugim pozvanim licima, po prijedlogu predsjednika Vijeća trećeg ciklusa studija.

Član 7.

U hitnim slučajevima, po ocjeni predsjednika Vijeća trećeg ciklusa studija, sjednica Vijeća trećeg ciklusa studija može se sazvati i u kraćem roku od onog utvrđenog članom 6. ovog poslovnika, a najkasnije u roku od 24 sata prije zakazane sjednice.

U slučaju iz stava 1. ovog člana, poziv se upućuje putem telefona, e-mailom, telefaksom, ili uručenjem putem kurira. Ukoliko postoji, materijal za sjednicu se dostavlja članovima Vijeća trećeg ciklusa studija, neposredno prije početka sjednice.

POZIV I MATERIJAL ZA SJEDNICU

Član 8.

Poziv za sjednicu Vijeća trećeg ciklusa studija, obavezno sadrži:

1. oznaku (redni broj) sjednice
2. dnevni red sjednice
3. mjesto i datum održavanja i vrijeme početka sjednice
4. potpis lica koje saziva sjednicu

Uz poziv za sjednicu dostavlja se i zapisnik sa prethodne sjednice Vijeća trećeg ciklusa studija.

PRIPREMA PRIJEDLOGA DNEVNOG REDA

Član 9.

Prijedlog dnevnog reda Vijeća trećeg ciklusa studija priprema predsjedavajući Vijeća trećeg ciklusa studija, a u pripremi dnevnog reda mogu da učestvuju i ostali članovi Vijeća trećeg ciklusa studija po utvrđenoj proceduri.

Prijedlog se dostavlja u pismenoj formi protokolisan i potpisan od strane podnosioca.

Poziv i materijal za sjednicu članovima Vijeća trećeg ciklusa studija dostavlja se preko referenta.

Član 10.

Pri sastavljanju dnevnog reda treba voditi računa o sljedećem:

1. dnevni red treba da obuhvata pitanja iz nadležnosti Vijeća trećeg ciklusa studija,
2. dnevni red treba da obuhvata pitanja koja su u momentu održavanja sjednice najaktuelnija za rad Vijeća trećeg ciklusa studija u cjelini.
3. u dnevni red treba da se unesu i pitanja za koja su zainteresirani drugi organi u javnoj ustanovi, a koja su iz nadležnosti Vijeća trećeg ciklusa studija.
4. dnevni red ne treba da bude suviše obiman, da bi se sve predviđene tačke dnevnog reda mogle obraditi na toj sjednici.

Član 11.

Prijedlog dnevnog reda je tako strukturiran da sadrži, posebno označene:

1. tačke dnevnog reda, ili
2. tačke dnevnog reda, sa dvije ili više podtački;

Svaki član Vijeća trećeg ciklusa studija ima pravo da predlaže izmjene i dopune dnevnog reda.

Svaki član Vijeća trećeg ciklusa studija ima pravo da predloži da se određeno pitanje skine sa dnevnog reda, ali mora da obrazloži svoj prijedlog.

RAD SJEDNICE VIJEĆA

Član 12.

Predsjedavajući otvara sjednicu Vijeća trećeg ciklusa studija.

Predsjedavajući konstatuje da se sjednica zvučno snima.

Prije prelaska na predloženi dnevni red utvrđuje se postojanje potrebne većine za pravosnažan rad Vijeća trećeg ciklusa studija.

Prisustvo na sjednici Vijeća trećeg ciklusa studija utvrđuje osoba određena za vođenje zapisnika.

Član 13.

Potrebna većina za rad sjednice Vijeća trećeg ciklusa studija (kvorum za rad) je nadpolovična većina (1/2 +1 član) od ukupnog broja članova Vijeća trećeg ciklusa studija.

Član 14.

Ako ne postoji kvorum za rad Vijeća trećeg ciklusa studija iz člana 13. ovog Poslovnika, početak rada sjednice se odlaže za 15 minuta.

Ako se i nakon proteka vremena iz stava 1. ovog člana ne obezbijedi potrebna većina za rad Vijeća trećeg ciklusa studija, predsjedavajući Vijeća trećeg ciklusa studija odlaže održavanje zakazane sjednice Vijeća i zakazuje novi datum održavanja sjednice.

Član 15.

Ako postoji kvorum za rad, predsjedavajući Vijeća trećeg ciklusa studija stavlja prijedlog dnevnog reda na usvajanje, uključujući i raspravu o istom.

Diskusija članova Vijeća u ovoj fazi ne može trajati duže od pet minuta.

O precizno obrazloženim prijedlozima i dopunama dnevnog reda članovi Vijeća izjašnjavaju se javnim glasanjem o svakom prijedlogu pojedinačno.

Predložena izmjena ili dopuna dnevnog reda je usvojena, ako se za nju izjasni nadpolovična većina od ukupnog broja članova Vijeća trećeg ciklusa studija.

Ako je na jednu predloženu tačku dnevnog reda stavljeno više prijedloga, tada se glasa za svaki dati prijedlog pojedinačno, onim redom kojim su prijedlozi stavljeni.

Prihvaćen je prijedlog za koji se izjasnila nadpolovična većina od ukupnog broja članova Vijeća trećeg ciklusa studija.

Ukoliko nema primjedbi na dnevni red ili dopuna dnevnog reda, odnosno ako se ne usvoje predložene izmjene ili dopune dnevnog reda, dnevni red se usvaja javnim glasanjem.

Član 16.

Prva tačka dnevnog reda je usvajanje zapisnika sa prethodno održane sjednice Vijeća trećeg ciklusa studija.

O primjedbama na zapisnik članovi Vijeća trećeg ciklusa studija se izjašnjavaju glasanjem. Zapisnik na čiji sadržaj nisu stavljene primjedbe kao i zapisnik sa saglasno usvojenim primjedbama smatra se usvojenim kada se za njega izjasni nadpolovična većina od ukupnog broja članova Vijeća trećeg ciklusa studija.

TOK SJEDNICE

Član 17.

Radi razjašnjavanja svih relevantnih pitanja za meritorno odlučivanje rasprava o svakoj tački dnevnog reda na sjednici Vijeća trećeg ciklusa studija teče ovim redom:

1. uvodna riječ izvjestioca (npr. prodekana, predsjednika komisije);
2. pitanja;
3. odgovor na postavljena pitanja;
4. davanje odgovora ili prezentacija dodatnih informacija;
5. diskusija, uključujući replike;
6. formulisanje prijedloga od strane predsjedavajućeg: odluke, zaključka ili stava;

7. glasanje članova Vijeća za odluku, zaključak ili stav;
8. proglašenje rezultata glasanja i unošenje u zapisnik.

NAČIN DONOŠENJA PRIJEDLOGA ODLUKA

Član 18.

Vijeće trećeg ciklusa studija u svom radu donosi: a) prijedloge odluka; b) prijedloge zaključka; c) stav.

Utvrđeni prijedlozi odluka, zaključaka i stavova, prosljeđuju se Nastavno-naučnom vijeću Fakulteta na razmatranje i usvajanje.

Član 19.

Član vijeća koji želi da učestvuje u diskusiji mora da prethodno zatraži odobrenje od predsjedavajućeg.

O jednom pitanju član Vijeća trećeg ciklusa studija može govoriti najviše dva puta izbjegavajući opširnost i ponavljanje.

Vrijeme izlaganja učesnika u raspravi ograničeno je na pet minuta u okviru jedne tačke dnevnog reda.

Član 20.

Vijeće trećeg ciklusa studija utvrđuje prijedloge nadpolovičnom većinom glasova od ukupnog broja članova Vijeća trećeg ciklusa studija.

Glasanje se obavlja dizanjem ruke članova Vijeća trećeg ciklusa studija.

Predsjedavajući Vijeća trećeg ciklusa studija formuliše prijedlog odluke, zaključka ili stav, a potom se članovi Vijeća trećeg ciklusa studija izjašnjavaju za ili protiv prijedloga.

Utvrđeni prijedlozi odluka, zaključaka i stavova se dostavljaju Naučno-nastavnom vijeću na razmatranje i usvajanje.

Član 21.

Vijeće trećeg ciklusa studija, nadpolovičnom većinom od ukupnog broja članova, može odlučiti da se o određenom pitanju obavi javno glasanje pojedinačnim izjašnjavanjem svakog člana i to tako što se nakon prozivanja svaki član odvojeno izjašnjava za ili protiv prijedloga.

U slučaju da je broj glasova za ili protiv isti, glasanje se ponavlja, ako i u drugom krugu glasanja rezultat bude isti, predsjedavajući odlaže sjednicu za jedan sat, ako ponovo rezultati budu nepromijenjeni, sjednica se odlaže za tri dana.

ODRŽAVANJE REDA

Član 22.

Predsjedavajući Vijeća trećeg ciklusa studija je odgovoran za tok rada i održavanje reda na sjednici Vijeća trećeg ciklusa studija.

U ostvarivanju ciljeva iz stava 1. ovog člana, predsjedavajući Vijeća trećeg ciklusa studija:

1. omogućit će članu Vijeća trećeg ciklusa studija da izloži svoju diskusiju po jednoj tački u trajanju od najviše pet minuta i najviše dvije replike u trajanju do dvije minute svaka, a da pri tome ne bude ometan u izlaganju;
2. dužan je pružiti zaštitu digniteta svakog člana Vijeća trećeg ciklusa studija;
3. upozorit će člana Vijeća trećeg ciklusa studija, ako je u svojoj diskusiji ili replici odstupio od tačke dnevnog reda o kojoj se u tom času vodi rasprava;

Član 23.

Zbog povrede reda na sjednici i Etičkog kodeksa Univerziteta predsjedavajući Vijeća trećeg ciklusa studija može članovima izreći neku od sljedećih mjera:

1. upozorenje, u slučaju prekoračenja vremena za diskusiju ili repliku;
2. upozorenje u slučaju narušavanja reda;
3. upozorenje u slučaju narušavanja digniteta člana Vijeća trećeg ciklusa studija;
4. usmenu opomenu
5. oduzimanje riječi, za slučaj da je članu Vijeća trećeg ciklusa studija već izrečena neka od gore navedenih mjera;
6. Izrečene mjere se unose u zapisnik.

ZAPISNIK

Član 24.

O radu Vijeća trećeg ciklusa studija vodi se zapisnik.

Zapisnik vodi, sačinjava i potpisuje zapisničar i predsjedavajući Vijeća trećeg ciklusa studija. Sjednice se tonski snimaju.

Član 25.

Zapisnik o radu Vijeća trećeg ciklusa studija obavezno sadrži:

1. redni broj sjednice;
2. datum, mjesto i vrijeme održavanja sjednice;
3. ime i prezime predsjedavajućeg sjednice i zapisničara;
4. imena i prezimena opravdano prisutnih i neopravdano odsutnih članova Vijeća trećeg ciklusa studija;
5. imena prisutnih koji nisu članovi Vijeća trećeg ciklusa studija, njihova funkcija i zvanje;
6. dnevni red sjednice;
7. ime i prezime podnosioca izvještaja i kratak sadržaj izvještaja;
8. po svakoj tački dnevnog reda: kratak sadržaj predmeta glasanja, podatke o glasanju i usvojenu odluku, zaključak ili stav,
9. izdvojena mišljenja, stavljene prigovore ili primjedbe;
10. ostale relevantne događaje sa sjednice;
11. potpis predsjedavajućeg i zapisničara;

Član 26.

Zapisnik sjednice Vijeća trećeg ciklusa studija vodi se u tvrdo ukoričenoj svesci. Sveska se protokoliše. Prije upotrebe sveska se brošira, strane sveske se numerišu, na kraju, na zadnjoj strani stavi se napomena koliko sveska ima strana i napomena da sveska služi za zapisnik Vijeća trećeg ciklusa studija.

Napomena se ovjerava pečatom javne ustanove i potpisom predsjednika Vijeća trećeg ciklusa studija. Zapisničar ne smije vršiti bilo kakvu izmjenu zapisnika.

Ako se zapisnik ne vodi u svesku, odmah, zapisničar je dužan da svaku stranicu parafira svojim potpisom i da najdalje u roku od tri dana podatke sa izdvojenih listova unese u svesku u kojoj se zapisnik vodi.

Tonski zapis sjednice je sastavni dio zapisnika i isti se arhivira kao dokument trajne vrijednosti zajedno sa originalnim zapisnikom.

Svi članovi vijeća imaju pravo uvida i korištenja tonskog zapisnika sjednice Vijeća trećeg ciklusa studija.

Član 27.

Izmjene i dopune zapisnika vrše se samo na osnovu odluke Vijeća trećeg ciklusa studija, prilikom njegovog usvajanja.

Član 28.

Zapisnik potpisuje predsjedavajući Vijeća trećeg ciklusa studija i zapisničar.
Zapisnik se mora sastaviti u roku od tri dana od dana održavanja sjednice Vijeća trećeg ciklusa studija.

Član 29.

Original zapisnika čuva se u arhivi i kod referenta postdiplomskog studija Fakulteta kao dokument trajne vrijednosti.

Članovi Vijeća trećeg ciklusa studija imaju pravo uvida i korištenja zapisnika.

Član 30.

Zapisnik se dostavlja članovima Vijeća trećeg ciklusa studija u elektronskoj formi, a izvod iz zapisnika drugim licima, po odluci predsjedavajućeg trećeg ciklusa studija.

Član 31.

Predsjedavajući Vijeća trećeg ciklusa studija stara se o prosljeđivanju utvrđenih prijedloga, zaključaka i stavova Naučno-nastavnom vijeću Fakulteta i njihovom izvršenju nakon usvajanja od strane NNV.

PRELAZNE I ZAVRŠNE ODREBE

Član 32.

Poslovnik stupa na snagu danom usvajanja na Naučno-nastavnom vijeću Fakulteta i isti će biti objavljen na oglasnoj ploči i web stranici Fakulteta.

DEKAN FAKULTETA
Prof.dr Nusret Smajlović

M.P

U Sarajevu, 2015. godine